

中國方志叢書·華北地方·第四九三號

據

清·武穆淳修熊象階纂
清嘉慶六年

影印

河南省

濬縣志

(三)

成文出版社有限公司印行

濬縣志卷十一

濬縣知縣潛山熊象階纂

寺觀攷

熊象階曰和南步虛不能無棲息地而寺觀出滋猶愈于周穆王爲丹朱子蘇侯與帝堯同廟也不列入建置者抑二氏也作寺觀攷

寺類

天寧寺

在大伾山東麓

元馬去非記見金石

浮山寺

在浮邱山

萬曆三十七年大理寺丞赫瀛建自記碑存

千佛寺

在浮邱山頂劉志僧力宮重修

興國寺

在大匡山劉志御史朱應轂建

天啟七年知縣元之偉記碑存

觀音寺

在道口

隆慶六年陝西按察副使李文昇記碑存

西明寺

劉志在宋高村

福勝寺

在翟村

荆山寺

在荆家寨

普濟寺

在裴庄

天順五年僧芳環重修碑存

延福寺

在衛縣北門外

成化二十三年教諭姜森記

福延寺

在大屯

一萬厯二年高思問記三十年赫瀛記四十二年鎮江府通判邑人李四知記

延壽寺

在鐘寺所

一宣德六年吳驥記碑存

正德三年邑人趙良記斷碑存

嘉靖四年知縣焦昇記傳國翰書記云齊皇建建九級石塔宋皇祐元年至元重修成化間民人耿聰耿溱修石臺

按知縣當知文理乃于齊宋元皆加大字仍舊碑而不

知改也或係偽託

萬曆二十二年張宗養記存

蒼琅石碑高一尺二寸上有佛像士人呼爲玉碑

興明寺

在大屯

嘉靖四十四年侯萬里記存

萬曆三年王在晉記三十年薛思運記存

定光寺

在洪門南門外

崇正二年山東布政使劉易從記碑存

隆興寺

在白寺

成化十五年濬縣知縣京闈解元江陰吳啟記存

萬曆十二年赫瀛記存

普照寺

在小河所

嘉靖四十一年雲南布政使馬汝彰長壽縣主簿邑人韓

梓書碑存

崇禎七年張肯堂記存

一在賈店村

劉志僧普融重修

東明寺

在郭村

宏治五年僧明才記存

隆慶六年衛輝府庠生汪源記曰寺創于唐于永樂

清岩寺

在交卸村

正德三年碑記云寺創立于元至正六年僧明鎮重

修記失名

金山嘉祐寺

在黑山

元至正待制賈汝舟記

隆慶三年真定張民範記
妙芳字古蘭與店民張得

山張希顏羅霑重修碑存

萬曆十二年赫瀛記碑存

迎福寺

在鉅橋

成化二十三年王洵記曰寺創于唐貞觀間宋明道二年重修毀于兵天顯元年住持宗隆將修不果成化二十二年圓慶道然募修之碑存

石塔十三層宋教和二年造又八稜石塔二高丈餘太祖二年建

雲錦寺

在屯子

靖四十二年僧圓階記碑存

寧寺

在屯子三角村

大觀元年鐘重千五百觔

白馬寺

在邢固村

福興寺

在王三庄所

嘉靖三十七年邑人張美記存

觀音堂

在王三庄所

寺觀

五

正德二年張昇記存

寺碑

在西關四鋪

有景泰七年磨

呂衣堂

在東後街

崇正十三年劉建記碑存

海潮菴

在道口鎮西門外

乾隆四十五年奉寧訓導張叶鼎記碑存

觀類

玉皇廟

在大岷山頂

順治十一年劉尙信記碑存

一在瓦崗所

一在善化山

劉志尚書董漢儒建

一在同山

一在桑村所

順治四年劉達重修碑存

一在道口

崇正二年創立

乾隆五十三年康昆保等重修有記

三元真君祠

在道口

至元五年并有記見金石

神霄宮

在南山頂

元至元五年彭志祖濬州神霄宮碑記見金石

長春觀

在城東南隅

天順八年王越重修長春觀記濬之野有山曰浮邱山北有觀曰長春取邱真人號也志失詳或長春常憩息於是

而得名也或又曰長春實未至濬人景仰長春而自名
也邑凡災疫旱澇皆禱于是禱輒靈應故邑人皆崇之
地近于山既僻且隘主簿陳君某乃卜城中散地而更新
之經營有力不勞而就中爲殿三間前有門翼以兩廊輪
奐之美聖壇之飾如跂如翬不豐不儉人皆以爲神相也
旣來屬記於予予惟天以一元之氣默運於四時春而夏
而秋而冬固無一息之停然而春主發生萬物其風和其
氣溫其日麗其情舒故凡物之大小高下莫不得此陽春
之澤而光輝焉四時莫過於春也故觀不名以夏不名以
秋冬而以長春名觀乎其無時而不春矣然何止乎一觀
予方願一邑之人皆長春也何止乎一邑予方願天下之

人皆長春也又何止乎天下予方願萬世之人皆長春也
嗚呼春在天地天地不能私而真人取之以爲號真人亦
不能自私而後人取之以名觀觀不能自私而歸之於一
邑邑不能自私而歸之天下後世天下後世不能自私而
復歸之於天地可見春亦不能自私而長在於天地間也
或曰四時之序功成者退欲其長春可得乎予曰不然夏
不亢害夏之春也秋不霑霖秋之春也冬不大摯冬之春
也方今天下四時順序萬物皆春而子猶謂不能長春子
將和李白之賦而次鄒氏之管乎吾恐子徒知春而不知
長春之春也又烏知所以名夫觀

在淇門南門外

唐杜天師忽驚碑見金石

宏治十七年張一德記存

一在衛縣所

元記見金石謂祀邱仙作

按長春全貞二觀皆祀邱長春元史及輟耕錄邱處機傳皆無至濬事張記所謂建宮修觀處處有之耳

高真觀

在大屯所

神前有至治元年石鑪張顯張敬立有鐘洪武年造

天順六年儒學汪鏞記碑存